



UNIVERSITÄTS-
BIBLIOTHEK
PADERBORN

Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

Capvt XXIV. De piæ compassionis affectu erga Christum patientem
exercendo.

[urn:nbn:de:hbz:466:1-47123](#)

CAPUT XXIV.

*De pia compassionis affectu erga Christum pati-
entem exercendo.*

§. I.

*Exercitationem hujusmodi Christiano homini non esse
negligendam.*

Sinceræ atque intimæ erga patientem Redemptorem nostrum sympathiaæ aut compassionis affectus, non potest illi non esse acceptissimus, ut qui indicium sit animæ bene composite, & si nondum Christum perfectè amantis, at saltem ad ejus amorem inclinatae atque propensa. Quapropter & istud officij sibi jucundissimum esse, ipse non semel revelare dignatus est; illudq; acceptare videtur, perinde atque si, inter dolores passionis suæ, ei quidpiam obtulissimus solatij, aut inter eos re ipsâ fuissemus, qui piâ quâdam condolentiâ præsentes ipsius cruciatus miserabantur: de quorum utique paucitate querentem audimus per Prophetam: *Sustinui, qui simul contristaretur, & non fuit; & qui consolaretur, & non inveni.* Quemadmodum è contra absq; ullo doloris aut misericordiæ sensu acerbos Domini cruciatus recognoscere, hominis est (ut mollissimè dicam) erga suavissimum Dominum, amantissimumq; Redemptorem, minus quam par esset, propensi.

Securius certè pronunciat S. Bonaventura; eam animi duritatem, aut circa Christi passionem (ut ipse appellat) insensibilitatem eapropter inculans, quod sit indicio, eum qui sic affectum se sentiat, aut Christi omnino non esse membrum, aut membrum profectò mortuum esse. *Si enim* (inquit hic S. Doctor) *non sentis dolorem capitis: quomodo es tu?* p. 1. Stim. c. *num cum ipso? aut si membra mortua & insensibilia sumus;* p. 2. c. *quid?* p. 6.

quid restat, nisi ut de corpore excidamur? Et rursus: *Certe videtur, quod, tanquam membra putrida, jam sumus excisi capite nostro, quia ipso vulnerato, ejus vulnera non sentimus.* Tum subdit exclamans: *Heu! heu! Domine mihi, quare me fecisti, si non debo tibi esse coniunctus?* aut, *si tibi sum coniunctus, quare non sum tecum pariter vulneratus?* Hæc Bonaventura: quod item argumentum paucis proponit S. Laurentius Justinianus, in lib: de casto connubio, cap. 23. extenso.

Ergo cujusque nostrum magni interest, istum tenerioris pietatis affectum in se persentiscere; aut si eum in nobis non experimur, ad eum nos identidem per Dominicæ passionis meditationem exercere.

Neque verò id erit difficile, amabilem JESUM paulò tentiùs contemplanti, aut inter immites carnificum mandensis consicillium vulneribus, suóq; innatantem sanguini; aut bajulantem sibi crucem, & sub indigno pondere miserit fatiscentem; aut suo jam suffixum patibulo, membrisq; in eo crudeliter distentis atque distractis, inter summos angores expirantem; aut demum arbore infelici deradum, & in mœstæ parentis gremio, exanimem, exanguem, lividum, vultu pallente, corpore lacero, dissoluto ac fluxo, jacentem.

Orat. de De-
si. Filii.

Att. 4.

Adu. Jude.
c. 11.

Nam si Gregorius ille Nyssenus, ad solum imaginis affectum, in qua oculis subiectebatur præclarum Abrahami scinus, unigenitum suum dilectissimum, Deo ita jubentia crucificare satagentis, sic intimis afficiebatur sensibus, sicut à fletu temperare non posset; uti ipse de se scriptum reliquit, atque in Nicena 2. Synodo est annotatum; tameli hæc non nisi rudis & imperfecta erat adumbratio Chilli, (prout loquitur Tertullianus) in vietiam concessi à Patre: quid non in animo Christiani hominis efficerit, fideli contemplationi subjectus, & vivâ imagine figuratus Dei Filius, vera illa & eximia hostia, non jam solâ animi destinatione, sed re ipsâ & cœde verissima, pérq; acerbissimos cruciatu-

in arca crucis, aeterno Patri nobis placando propitiandoque immolata. Ad quod tamen proderit observasse, quæ jam subiçimus.

§. 2.

Nonnulla ad eum affectum in nobis excitandum adjumenta.

Primum. Ut in Christi cruciatibus commeditandis, studeamus eos, non velut pridem præteritos, eoque remotos à nostris sensibus, sed tanquam recentes atque præsentes, adeoque velut sub ipso aspectu nostro etiamnum positos, intueri. Sic enim ad sensus meditantis commovendos, & (quod nunc nominatim agimus) piæ compassionis affectum conciendum, majorem vim habet mysterij propositi contemplatio. Quemadmodum etiam de S. Francïscô, S. Birgitta, B. Angela, aliisq; à nobis antea in loco memoratum, est: ex quo illis Christi crucifixi viva quædam atque expressa species est objecta divinitus, exinde eam assidue veluti præ oculis habuisse; eaque gratia nunquam sine lacrymis, Christi patientis recordari potuisse. Eamque subinde teneritatem induit eorū contemplantibus, ut ad solam vocem aut nomen, passionis Dominicae, illico vulneretur medullitus: veluti de anima Christum amante, scripsit loco citato S. Laurentius Justinianus: *Quoties in ipsis insonuerit auribus dilecti sui de casto cōcruicatus passionis & opprobria crucis, toties mucronis vulnere nub. c. 23. transfigitur doloris.*

Secundum. Proderit proinde ex forma alibi à nobis prescripta, eorum Christi amicorum, qui vel patienti ac morienti adfuerunt, vel mortuo obsecuti sunt, personas ac sensus in se transferre. Quo modo possumus, exempli causa, nunc juxta crucem cum Dei Matre, misereore ac dolore confixi stare; nunc cum Magdalena ad crucem ipsam procumbere, complecti crucifixi pedes, & stillantis amoris guttas

ccc

tas

tas studiosè colligere ; nunc cum Josepho Arimatheo pluri-
comitibus , de ligno depositum condire unguentis , obvo-
vere linteо, lacrymis respurgere, ac denique mortis exequi-
luctuq; solenni cohonestare.

*Liberorum
ff. de his qui
infam.*

Scio equidem olim cautum fuisse Lege Romana, ne
cui suspendioso luctus consuetus adhiberetur ; quod qui-
nesto illo, ac præ ceteris infami mortis genere puniti essent,
eò viderentur supremis officijs , ac jure communis humani-
tatis indigni. At de dulcissimo Domino ac Salvatore no-
stro , qui cùm nulli culpe affinis esset , solà bonitate & amo-
re nostri adductus , sibi crucis elegit infamiam , eóq; ab ip-
quo morte suâ redemerit , uti magis amari, ita magis lugere
dignus est , divinior sanè Lex edicit : *Plangent eum planctu-*
quasi super unigenitum , & dolebunt super eum , ut doleri so-
is morte primogeniti : qui nimurum planctus ab ijs adhuc-
dus videatur , qui Christi passionem recogitantes , inten-
quâdam contemplatione (ut eum eadem Scriptura loquitur)
aspicient ad eum , quem peccatis suis confixerunt.

Tertium. Eapropter & hoc adjungimus, non corru-
tantum quos dixi , personas nobis in ea nostra contem-
platione assumentas; sed nos ipsos quoque in persequentiū
ac crucifigentium turba , magno cum pudore atque horrone
nostro , à nobis esse aspiciendos atque recognoscendos. Filii
Iherosolimæ , Christiane , si in hac sanguinolenta trag-
edia , te ipsum ut nudum merumq; spectatorem consideras.
Actor enim es , & cruentæ scenæ pars magna: ut qui per tua
flagitia , in innocentem Dñm unigenitum conjurata &
trocissimam in mortem ipsum tradas , Judæorūmq; linguis
militum manibus , ipsum in diro patibulo suffigas. Vox illa
tua est (si nescis) *cruofige , crucifige eum.* Vox tua, qui Pra-
ses illum damnavit , & suppicio crucis addixit. Facinus
tuum sunt Christi vincula , flagrorum ictus , corporis livore
consertæ spinæ; clavi , lancea , crux , facinus tuum.

*Ipsa
Chri-*

Christus JESUS in cruce pendens (horror est dicere) opus tuum est; opus amoris, & opus furoris; sed amoris tui, ô bone Jesu, amoris tui, & furoris mei. Quis dabit capiti meo aquam, & oculis meis fontem lacrymarum? & plorabo die ac nocte dolorem tuum, & scelus ac facinus meum.

Hunc igitur in morem, non Christo duntaxat accepta, sed tibi quoque salutaris erit compassio, si ita lugeas ejus dolores, ut simul detesteris peccata tua, quæ primam illis ac santicam causam præbueré; si admissa defleas, futura vires; si frigus tuum in Christo redamando incuses; si vita tua torporem inertiamque plangas; si eadem ex causa, non tantum propria, sed aliena quoque, immò mundi totius peccata deplores, & vastam illam horrendamq; tot iniquitatum abyssum, qua facto impetu dulcissimum cor innocentissimi Jesu irrupit, & violenter oppressit. Verè etenim, Domine mi Jesu, intraverunt aquæ usque ad animam tuam; fluctus peccatorum nostrorum inundaverunt, tempestas demisit te; absorptus es, ut Jonas, & projectus in profundum in corde maris; abyssus malorum vallavit te, pelagus operuit caput tuum. Atqui ego peccavi, & tu plecteris; ego reus sum, & tu damnaris; ego nocens sum, & tu moreris. Verùm de hoc plura in exercitio satisfactionis.

Quartum. Ad eundem compassionis affectum in nobis excitandum, juvabit ipsum Dominum Salvatorem nostrum, tenerè atque intimè diligere: cùm ita natura comparatum sit, ut si quid patiatur is, quem amamus, illico nos subeat patientis miseratio, & quidam existat doloris consensus ac communio; quia videlicet amici mala, veluti nostra reputemus. Ut propterea Doctor Seraphicus, inter ea, *P. 1. Stim. c.* quæ nos ad Christo compatiendum excitant, primo loco *2. C. 4.* ponat, ut ei quis studeat uniri per ferventem amorem: *Sed enim ei per amorem (inquit) bene unitus fuerit, compatieris eidem.* Et prout indicat Nicolaus Eschius in quodam exercitio,

CCC 2

exercitio,

*Psal. 68.
Jon. 3.*

Exerc. 8.

citio; fidelis amator deberet ita uniri Christo, ut membro, ut passionem Christi magis sentiat sibi presentem & infiri, quam suam propriam passionem & afflictionem. Ex quo illa quoque existit non mediocris utilitas: ut nempe geni-
p. 1. c. 2. ni isti affectus & naturali quasi cognatione sese interficiat atque foveant, & mutuo consensu aut tanquam affrictu sese invicem exfuscent; cum amorem constet compassionem ex se parere; compassionem autem confoveri amorem atque intendi. Quod etiam video observasse S. Bonaventuram
 verbis: *Quantò ferventius diliges eum, tantò magis sue compatiens passionis: & quantò plus ei compatiens, tanto plus ergo eum thus accendetur affectus. Unde sic mutuò se augebunt dilectio & compassio.* Sic ille.

Postremum. Neque omittenda est illa praeceptio. Si hunc sanctum affectum obtainendum, pro magno munere tibi esse contendendum ab ipso Salvatore, ut vulneribus suis mentem tuam vulneraret ac sauciet, & cordi tuo sensum aliquem, sive consensum dolorum suorum impetrat. Convertes te etiam ad beatissimam simulq; afflitionissimam Domini Genitricem; eamq; studiosè rogaris, ut vel passionum filii sui pium sensum imprimat cordi tuo, vel guttam infundat illius Oceani amaritudinum, quo ejus anima sanctissima, in unigeniti passione, obruta atque absorpta est; secundum illud Threnorum 2. capite: *Magna est velut mare, contrita tua.* Idemq; precaberis dilectum Jesu discipulum, quid ipse testis & consors exitit passionum ejus. Sic enim edidit *Vit. c. 12.* & tur B. Angela Fulginiensis; sese à Dei Matre Sancto Joanne, per eos dolores, quos Christo patiente sustinuerat, contendisse (& verò etiam quod contendebat impetrasse) sibi ut assidue liceret, propositam habere Passionis Christi memoriam, ejusq; dolorem persentiscere, aut saltē illius doloris (quem ipsa Virgo & S. Joannes experti fuere) partcipem esse.

Addit:

Addit loco citato Nicolaus Eschius: rogandum ab uno quoque esse Dominum JESUM; ut se, per ardente & re-signatum spiritum, per compatientem & mortificatam animam, per afflictum & excruciatum corpus, sue sanctissime crucifixae humanitati perfectissime conformare dignetur; aut saltem aliquo continuo dolore corporali omni tempore monere, ut sue passio nis nunquam obliviscatur.

Quod denique spectat & ardens illa S. Bonaventuræ exhortatio, quam velut clausulam præsenti argumento appono: Nunc ergo charissimi, felle & absinthio atq; myrra ine-
briemur; & solium ejus vulnera sentiamus: transfigant cordis nostræ intima, ejus convicia, flagella & vulnera; nec in nobis sit, quod non perfundatur compassionis dolore, & affligatur intensè. Addo nihilominus huic affinem sensum Henrici Su-
sonis, qui ex incenso desiderio membris suis omnibus quodammodo Christo compatiendi, ita eum precatur in qua-
dam sua meditatione: Non sit, mi Domine, ullum corporis de passione
mei membrum, quod non speciatim tuam mortem suo modo me-
diteratur, tueq; passionis quandam similitudinem amabiliter præ-
ferat, exhibeatq;. Sic illi.

§. 3.

In quo concluduntur, quæ de hoc exercitio dicta sunt.

EX dictis porrò perspici potest; cum compassionem circa Domini cruciatus exercendam suademus, non sterilem aliquem à nobis commendari, inertem, otiosum mentis affectum, qui sensibili quadam (uti loquuntur) devote-
tione, aut teneritudine cordis, & unâ fortassis alterâ lacry-
mulâ contentus sit, cuius exarescentis nullum insuper sit o-
peræ pretium: sed fructum, operosum, efficacem; qui
cum serio atque germano Christi nostrâ causâ convulnerati
& excruciatu amore, aliisq; præclaris solidarum virtutum a-
ribus, conjunctus sit: quarum utique studium, constat o-

mni

mni illi mentis piè tenerescentis dulcedini, nimio plus effe
anteferendum.

Fluant igitur inter compatiendum Salvatori, flum.
scilicet (si Deus dederit) animæ mōrenti dulces lacrymæ:
quando & hæ Christo tam jucundæ sunt, ut velut sibi suæ
l. 4. c. 26. stinguendæ, eas in patera aurea recolligere visus sit S. Gto
trudi: sed tamen sic fluant, ut non ora solùm pīj contem-
platoris irrigent, sed intrò receptæ etiam terram cordis in-
fundant, quò varia proferat sanctorum affectuum germina:
atque efficacis pœnitentiæ, profunda demissionis, hilari
patientiæ, aliarumq; ejusmodi virtutum actibus effloret;
quarum equidem humilia exercitia bellè dictabat S. Fran-
ciscus Salesius, notæ sanctitatis Gebennensis Episcopus, &
turrod. c. 44 se tanquam flores (puta hyacinthos, calthas, violas) ad m-
cis pedem subnasci & erumpere solitos.

Autor sermonum ad fratres de Eremo, semone n. B.
ram fletuum imbribus debemus (air) irrigare terram mentitur
stra, ut pariat fructus bonorum operum, diversisq; floratu-
tum. Qui dum deinde piam ejusmodi contriti cordis
crymam, vicariam appellat Passionis Christi; speciosaq;
dem nomencratio, sed minus est aperta sententia. At-
men (veluti ea quæ adjungit, indicant) eo sensu videtur
eam passionis Christi vicariam appellare; quòd instrumen-
tum sit, quo pœnitenti applicatur ipsa mors, & passio Re-
depositoris; proindeq; toties repræsentari & renovari vide-
atur Dominicæ mortis mysterium, quoties quis à peccato
resurgit, per pœnitentiæ lacrymarumq; remedium.

Nunc quoniam inter varias artes, quibus ipsa exerce-
tur compassio, ea in cæteris Redemptori sapit jucundissi-
mè, quâ maternos dolores, aut ipsum in matre condole-
scem, commiseramus; non est ista nobis pretermittenda
industria: at quia de ea pluscula nobis tradenda sunt, &
exercitio proximum caput attribuemus.

CANT